



**PAENITENTIARIA APOSTOLICA**  
**Prot. N. 1112/17/I**

**DECRETUM**

PAENITENTIARIA APOSTOLICA, ad augendam fidelium religionem animarumque salutem, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, attentis precibus nuper allatis ab Em.mo Domino Carolo S.R.E. Cardinali Osoro Sierra, Archiepiscopo Metropolitana Matritensi, in argenteo iubilaeo eiusdem Cathedralis ecclesiae, sub tit. S. Mariae Regalis de Almudena, de caelestibus Ecclesiae thesauris benigne concedit *plenariam Indulgentiam*, suetis sub condicionibus (sacramentali Confessione, eucharistica Communionem et oratione ad mentem Summi Pontificis) a christifidelibus vere paenitentibus atque caritate compulsis, a die XV Iunii MMXVIII usque ad diem XV Iunii MMXIX lucrandam, quam etiam animabus fidelium in Purgatorio detentis per modum suffragii applicare possint, si Matritensem Cathedralis ecclesiam in forma peregrinationis inviserint et ibi iubilariis ritibus devote interfuerint, vel saltem per congruum temporis spatium piis vacaverint considerationibus, concludendis Oratione Dominica, Symbolo Fidei invocationibusque B. Mariae Virg.

Senes, infirmi, omnesque qui gravi causa domo exire nequeunt, pariter *plenariam* consequi poterunt *Indulgentiam*, concepta detestatione cuiusque peccati, et intentione praestandi, ubi primum licuerit, tres consuetas condiciones, si iubilariis celebrationibus se spiritaliter adiunxerint, precibus doloribusque suis vel incommodis propriae vitae misericordiam Deo oblatis.

Quo igitur accessus, ad divinam veniam per Ecclesiae claves consequendam, facilius pro pastoralis caritate evadat, haec Paenitentia enixe rogat ut dioecesanus paenitentarius, cathedralis clerus, parochus et sacerdotes opportunis facultatibus ad confessiones excipiendas praediti, prompto et generoso animo, celebrationi Paenitentiae sese praebeant.

Praesenti pro hac vice tantum valituro. Non obstantibus in contrarium facientibus quibuscumque.

Datum Romae, ex aedibus Paenitentiae Apostolicae, die XV mensis Maii, anno Domini MMXVIII.

MAURUS Card. PIACENZA  
Paenitentarius Maior

CHRISTOPHORUS NYKIEL  
Regens



## PAENITENTIARIA APOSTOLICA

Prot. N. 1113/17/I


### DECRETUM


PAENITENTIARIA APOSTOLICA, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, Em.mo ac Rev.mo Patri Domino Carolo S.R.E. Cardinali Osoro Sierra, Archiepiscopo Metropolitae Matritensi, benigne concedit ut, in argenteo Iubilaeo eiusdem Cathedralis ecclesiae, die pro fidelium utilitate eligendo, post litatum divinum Sacrificium, impertiat omnibus christifidelibus adstantibus, qui vere paenitentes atque caritate compulsi iisdem sacris interfuerint, **papalem Benedictionem** cum adnexa *plenaria Indulgentia*, suetis sub condicionibus (sacramentali Confessione, eucharistica Communionem et Orationem ad mentem Summi Pontificis) lucranda.

Christifideles qui **papalem Benedictionem** devote acceperint, etsi, rationabili circumstantia, sacris ritibus physice non adfuerint, dummodo ritus ipsos, dum peraguntur, ope instrumenti televisifici vel radio-phonici propagatos pia mentis intentione secuti fuerint, *plenariam Indulgentiam*, ad normam iuris, consequi valebunt.

Contrariis quibuslibet non obstantibus.

Datum Romae, ex aedibus Paenitentiarum Apostolicarum, die XV mensis Maii, anno Domini MMXVIII.

  
MAURUS Card. PIACENZA  
*Paenitentiarum Maior*

  
CHRISTOPHORUS NYKIEL  
*Regens*